



Broj: 07-04-04-8156-155/23
Sarajevo, 22.05.2023. godine

KANTON SARAJEVO
Skupština Kantona Sarajevo
n/r Elvedin Okerić, Predsjedavajući
- o v d j e -

Predmet: Odgovor na zastupnička pitanja

Zastupnica u Skupštini Kantona Sarajevo Sanela Klarić, u skladu sa članovima 211. i 214. Poslovnika Skupštine Kantona Sarajevo ("Službene novine Kantona Sarajevo", broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 - Ispravka), na Šestoj radnoj sjednici Skupštine Kantona Sarajevo koja je održana dana 29.03.2023. godine, u okviru tačke Dnevnog reda "Poslanička/zastupnička pitanja, inicijative i odgovori", postavila je sljedeća zastupnička pitanja: a) "- U kojoj fazi se nalazi osnivanje javnog preduzeća za proizvodnju električne energije iz obnovljivih izvora?"; b) "- Da li je u studijskom istraživanju koje treba utvrditi opravdanost osnivanja ovog preduzeća planirano istraživanje potencijala geotermalne energije?"; c) "- Na koji način je u studijskom istraživanju planirano vršiti mjerenje potencijala vjetra obzirom da u Bosni i Hercegovini ne postoji niti jedna međunarodno verificirana kompanija za ispitivanje potencijala vjetra?"; d) "- Planira li se u okviru studijskog istraživanja izraditi i mapa solarnog potencijala?"; "- e) Obzirom da je u slučaju pozitivnog nalaza studijskog istraživanja planirana priprema prijedloga odluke o osnivanju ovog javnog preduzeća, koji kriteriji će biti korišteni kako bi se utvrdilo da li je studijsko istraživanje dalo pozitivan nalaz?"; i f) "- Na koji način se planira ispitivanje geotermalnog potencijala?".

Odgovor:

Nakon detaljnog razmatranja predmetnih pitanja zastupnice u Skupštini Kantona Sarajevo Klarić Sanele, Ministarstvo privrede Kantona Sarajevo, u okviru svoje nadležnosti, daje odgovor, kako slijedi: Na pitanja iz tački a) i e) ovog akta odgovor je sljedeći: Postupajući po pisanoj inicijativi Ministarstva privrede Kantona Sarajevo, Vlada Kantona Sarajevo je donijela Zaključak, broj: 02-04-82-12/23 od 09.01.2023. godine, kojim zaključkom je odlučeno sljedeće: 1. Prihvata se Inicijativa za studijsko istraživanje društveno-ekonomske opravdanosti osnivanja javnog preduzeća u vlasništvu Kantona Sarajevo za proizvodnju električne energije iz obnovljivih izvora energije, broj: 07-04-13-51463/22 od 30.12.2022. godine; 2. Zadužuje se Ministarstvo privrede Kantona Sarajevo da realizuje sve potrebne aktivnosti koje se odnose na izradu Studije o društveno-ekonomskoj opravdanosti osnivanja javnog preduzeća u vlasništvu Kantona Sarajevo za proizvodnju električne energije iz obnovljivih izvora energije; i 3. U slučaju pozitivnog nalaza studije iz tačke 2. ovog zaključka, zadužuje se Ministarstvo privrede Kantona Sarajevo da Vladi

Kantona Sarajevo dostavi prijedlog Odluke o osnivanju javnog preduzeća iz tačke 2. ovog zaključka. Dalje, usvajanjem Budžeta Kantona Sarajevo za 2023. godinu i donošenjem Zakona o izvršavanju Budžeta Kantona Sarajevo za 2023. godinu ("Službene novine Kantona Sarajevo", broj 15/23) koji je stupio na snagu 01.04.2023. godine, stvorene su osnovne pretpostavke za početak izvršavanja obaveza Ministarstva privrede Kantona Sarajevo, po ovom Zaključku Vlade Kantona Sarajevo. Ministarstvo privrede Kantona Sarajevo je sačinilo hodogram aktivnosti, a u skladu sa istim provodi potrebne aktivnosti koje se odnose na formiranje Stručnog tima za izradu Studije o društveno-ekonomskoj opravdanosti osnivanja javnog preduzeća u vlasništvu Kantona Sarajevo za proizvodnju električne energije iz obnovljivih izvora energije, koji Stručni tim će činiti predstavnici Ministarstva privrede Kantona Sarajevo, manjim dijelom, te znatno većim dijelom članovi iz reda istaknutih stručnjaka iz oblasti koja je predmet ove Studije. S obzirom na kompleksnost materije koja je predmet ove Studije, procijenjeno vrijeme za izradu ove Studije je 120 dana počev od dana imenovanja Stručnog tima za izradu ove Studije. U slučaju pozitivnog nalaza ove Studije, Ministarstvo privrede Kantona Sarajevo, u skladu sa pomenutim hodogramom aktivnosti, će pripremiti potrebni materijal koji se odnosi na Prijedlog odluke o osnivanja javnog preduzeća u vlasništvu Kantona Sarajevo za proizvodnju električne energije iz obnovljivih izvora energije, te isti dostaviti na nadležno postupanje Vladi Kantona Sarajevo i Skupštini Kantona Sarajevo ako Vlada Kantona Sarajevo prethodno utvrdi Prijedlog ove odluke, najkasnije do kraja 2023. godine. Ako outputi ove Studije rezultiraju negativnim nalazom ove Studije, Ministarstvo privrede Kantona Sarajevo će o istom sačiniti detaljnu Informaciju, a koju će dostaviti na nadležno postupanje Vladi Kantona Sarajevo. Kad su u pitanju kriteriji za pozitivnu ocjenu nalaza studijskog istraživanja koje je predmet ove Studije, isti će biti definirani od strane Stručnog tima za izradu ove Studije, i to na početku ovog studijskog istraživanja, a koji će biti sastavni dio ove Studije. Na pitanja iz tački b), c), d) i f) ovog akta odgovor je sljedeći: Istraživanje potencijala geotermalne energije, istraživanje vjetroenergetskog potencijala i istraživanje potencijala solarne energije, na odnosnim/potencijalnim lokacijama za potrebe energetskog korištenja, neće, niti mogu biti u strukturi istraživanja koja su predmet Studije o društveno-ekonomskoj opravdanosti osnivanja javnog preduzeća u vlasništvu Kantona Sarajevo za proizvodnju električne energije iz obnovljivih izvora energije. Naime, istraživanja pomenutih energetskih potencijala vrše se po odnosnim planovima i posebnim programima istraživanja, odnosno projektima istraživanja, u skladu sa odnosnim propisima, standardima i pravilima struke. Dalje, a u vezi sa tim, potrebno je napomenuti - da je ispitivanje potencijala obnovljivih izvora energije (OIE) propisano odnosnim odredbama Zakona o korištenju obnovljivih izvora energije i efikasne kogeneracije ("Službene novine Federacije BiH", br. 70/13 i 5/14). Ispitivanje vjetroenergetskog potencijala, odnosno potencijala sunca za predmetnu elektranu, treba se vršiti na osnovu odobrenja, kojim se propisuje način postavljanja privremene građevine i mjerne opreme za ispitivanje odnosnog potencijala, te uslovi korištenja zemljišta, objekata i drugih dobara u vrijeme ispitivanja odnosnog potencijala, a koje odobrenje izdaje nadležni organ za prostorno planiranje i građenje. Pravno lice, koje može vršiti ispitivanje odnosnog potencijala za predmetnu elektranu, mora ispunjavati uslove u pogledu stručnih kadrova i odgovarajuće mjerne opreme za ispitivanje odnosnog potencijala, a što se potvrđuje rješenjem Federalnog ministarstva energije, rudarstva i industrije. Za odnosni projekat treba ishodovati rješenje Operatora za OIEiEK FBiH o odobrenju upisa projekta predmetne elektrane u Registar projekata OIEiEK u fazi ispitivanja. Po završetku ispitivanja odnosnog potencijala, potrebno je sačiniti izvještaj o izvršenom ispitivanju odnosnog potencijala za predmetnu elektranu, propisno izrađen i verificiran od strane pomenutog ovlaštenog pravnog lica, a koji izvještaj treba dostaviti Federalnom ministarstvu energije, rudarstva i industrije. Također, treba napomenuti da u slučaju kada investitor nije pomenuto ovlašteno pravno lice, između ovih subjekata treba zaključiti ugovor, kojim ugovorom će se u potrebnom nivou urediti obligacioni odnosi između ovih ugovornih strana u predmetu ispitivanja odnosnog potencijala za predmetnu elektranu. Dalje, imajući u vidu činjenicu da su, bazno/uglavnom, kod geotermalne energije nosioci

energetskog potencijala podzemne termalne ili termomineralne vode, a koje spadaju u mineralne sirovine, potrebno je posebno istaći - da je prethodno potrebno izvršiti detaljna geološka istraživanja termalnih, odnosno termomineralnih voda, na potencijalnoj lokaciji korištenja, koja istraživanja se propisno dokumentiraju u Elaboratu o klasifikaciji, kategorizaciji i proračunu rezervi termalnih, odnosno termomineralnih voda, što se, u konačnici, potvrđuje upravnim aktom - rješenjem Federalnog ministarstva energije, rudarstva i industrije o potvrđenim količinama i kvalitetu istraženih termalnih, odnosno termomineralnih voda na predmetnoj lokaciji istraživanja. Ova detaljna geološka istraživanja treba vršiti u skladu sa odredbama Zakona o geološkim istraživanjima Federacije Bosne i Hercegovine ("Službene novine Federacije BiH", broj 9/10). Vezano za naprijed navedenu materiju, Ministarstvo privrede Kantona Sarajevo, ovim putem, navodi i sljedeće: U Budžetu Kantona Sarajevo za 2023. godinu, na poziciji ovog Ministarstva - Istraživanje potencijala prirodnih resursa planirana su finansijska sredstva u iznosu od 500.000,00 KM. Imajući u vidu kompleksnost procesa istraživanja potencijala određenog prirodnog resursa na potencijalnoj lokaciji korištenja, a uzimajući u obzir stanje u prostorno planskoj dokumentaciji i stanje imovinsko-pravnih odnosa za potencijalne lokacije koje se razmatraju, Ministarstvo privrede Kantona Sarajevo je planiralo da obavi/provede sve potrebne pripremne aktivnosti i postupke, a koje je potrebno obaviti/provesti prije početka realizacije sredstava planiranih za naprijed navedenu namjenu.

S poštovanjem,



Dostaviti:

1. Naslovu,
2. Vlada Kantona Sarajevo,
3. Evidencija i
4. a/a.